

十經齋遺集

二冊

十經齋遺集

弥甥勞健恭校署端

丙子歲七月
建德周氏刊

柴辟亭詩

二集

柴辟亭詩二集一卷

十經齋文二集一卷

九曲漁莊詞二卷

柴辟亭讀書記一卷

易音補遺一卷

坵絳雲樓印拓本題辭一卷



柴辟亭詩二集
十經齋遺集之一

嘉興沈濤撰

白溝河

拒馬河邊弔古情
瓦橋關外草青青
燕雲輕棄休相議
猶有西川劃玉亭

題楊芸士明經

文藻

讀五千卷室戡書圖二首

獨坐百城裏
丹鉛隱几親
古唯稱許鄭
今復見劉荀
藜火光初照
蒲編手自紉
豕魚多是正
甯止馬頭人

纖塵飛不到林葉晚蕭蕭
生白月痕滿

用東坡詩觀書眼如月罅隙靡

不照
意
研朱露脚飄誤時思亦適擁處興偏饒尙許一鴟

借從君挈大瓢

題仲子湘茂才

湘

舊時月色樓圖二首

竹樹扶疏繞舍栽絕無車馬亂蒼苔牽蘿差比新巢穩
掃逕欣逢舊雨開拄杖聲應歸燕識讀書鐙又老漁猜
用都南
濠事
分明一樣團圞影偏照吳霜點鬢來

舊隱城南尙憶不飄搖風雨幾經秋梅邊擲笛尋前夢
花影吹笙感昔游欲製新銘無陋室但傳妙繪有神樓
誰憐卅載辛勤後泛宅還牽岸上舟

余歸田後尙無一
椽老屋已屬他人

矣

題俞少甫學博

岳

笠隱小像

天地爲逆旅江湖有散人
白鷗波浩蕩老鶴骨嶙峋
二峯常對五千卷獨親一竿小垂手意豈在投綸

少甫索題顧南雅學士蒔墨梅卷子二首

華光三昧頰三毫鼠尾蜂鬚格總高
任爾品題村亦得補補之畫補離騷

魂去海天兜率宮神傳疏影暗香中
只應弟子瓣香奉一樹花間見一翁

萬歲富貴瓦歌爲韓履卿嵯尹

崇賦并序

履卿跋云山右河曲縣婁子營相傳其地爲漢
文帝行宮遺址土人墾地往往得瓦文曰萬歲
富貴云云余視其文在篆隸之間與漢他瓦當
文不同且漢文帝爲代王時都中都準其地望
爲今汾州平遙縣境在太原之南河曲在太原
之北漢書文帝紀雖有三年四月自甘泉至高
奴因幸太原之文然由高奴至太原亦不應取
道於此案河曲爲唐嵐州地元和郡縣圖誌嵐

州宜芳縣秀容故城在縣南三十里劉元海感
神而生姿容秀美因以爲名晉書載記亦云劉
氏雖分居五部然皆家居晉陽汾澗之濱婁劉
聲相近疑卽元海故里此其宮瓦元海建國號
漢謚曰光文皇帝後人因訛爲漢文帝耳故定
爲元海時瓦

瓦當一片古且奇質異玉葉殊琉璃曰富曰貴曰萬歲
銘文吉語回環施韓侯得此自河曲云是代邸之所遺
當時行幄壯鴟吻此日荒隴噪哀狸桃油未裂梅灰脫

傳觀四坐羣蹉咨我徵班史合荀紀謂此當是疑更非
大橫庚兆昔未啟中都錫土稱藩維其地乃屬太原郡
彼汾一曲非河湄乘乾三載晉陽幸留讌十日平原齊
萬乘亦自高奴發未應取道樓煩西伊昔典午四海沸
銅駝生棘蒼鵝啼羯胡競起幽朔擾越石長嘯空登陴
大單于孫左賢子永鳳首建天王旗池中蛟龍得雲雨
鬚鬣奮迅鱗之而疆宇大啟拓狐譟寢殿小築新鷁儀
此間卽是豐沛里離宮別荆禮亦宜旅人造製絕髻墜
堯豎擿索惟塗泥光文僞謚亦伏號或者以此相傳疑

紛紛割據十六國烏丸屠各鮮卑兒絳灌有文隨陸武
元海獨具英雄姿漢家制度尙髣髴習俗自足兼華夷
奈何聰曜肆淫虐堂構弗紹裘與箕赤牛奮紉或入口
無疆永奉誰祝釐山河土崩鍾簏改此瓦亦作瓦飛
萬歲富貴竟安在要當長保蒙珠離

題陳小松明經

彬華

燕臺鞍馬圖

江南二月花如雪士女嬉春豔陽節自持蘭橈度銀塘
不用游驄繫金勒燕山三月雪如花驚風撲面吹黃沙
短衣躍馬有底急飢驅往往輕天涯陳君本是江南客

以水爲家花四壁平生壯志慕幽并醉拂珊瑚向京國
北臨碣石風蕭蕭據鞍顧盼真人豪天閭誅蕩九衢直
如君豈合長蓬蒿儒生環堵守自足奚事輪蹄日徵逐
軟塵十丈長安街一插脚成千古俗雄文絕少狗監推
薄技那足傾王侯眾中小異陳驚坐市上逃名韓伯休
素衣緇盡年華迅賸有吳霜點歸鬢白眼難空冀北羣
黃金誰市昭臺駿正字閉門今幾秋功名無復問吳鉤
只餘遠上黃河曲唱遍燕姬賣酒樓

題徐蘭叔參軍

錫第

蘭因了悟圖二首

圖爲其亡室朱沁香

女史作女史能詩工書
有珠來閣遺稿行世

椒絮神仙眷芝芙翰墨緣華嚴一彈指離恨幾重天石
爛悲精衛春歸泣杜鵑女蘿山鬼怨都寫入哀弦

蘭叔悼亡

後有哀
弦集

禪榻茶煙外琴聲鬢影中如何共命鳥翻作可憐蟲悟
到真如幻由來色本空心香圖一瓣還與返生同

夜泊垂虹橋用東坡風字韻

繞郭溪流路不窮長橋似倚美人虹半江月色千帆影
隔浦漁歌一笛風舊夢蘊蘊勞我憶新詩桑苧許誰同

三高祠下簫聲歇欲采蘋花薦小紅

上巳日招同人集鶯脰湖平波臺修禊卽席次黃

霽青太守

安濤

韻二首

一片閒雲此暫停萬重煙水盪虛櫺酒波共泛仙槎碧
山影遙分佛髻青物外儘容漁父傲坐中偏愛次公醒
白鷗點點渾相狎飛去飛來傍客舲

草長鶯啼正好春詩翁格健鬪清新

是日霽青及吳鑄生明經詩先成

揭來吳市逢簫侶話到燕臺憶酒人

謂鍊珊

幾輩題襟循

故事此間避世隔凡塵湖光如鏡難容乞媿煞當年賀

季真

平波臺卽目四首

碧波萬頃繞層臺
臨水軒窗面面開
莫道湖光太平遠
浮眉一角送青來

釣徒何在渺煙波

臺有元真子祠

此日猶聞欸乃歌
正是一犁

新雨後打魚船少
罾泥多

湖面風吹荇帶香
湖邊煙罨柳絲長
蘸他湖水紅如此
半是桃花半夕陽

翹沙鷺白見分明
掠水鷗鷁拍翅輕
我是鶯湖舊漁長

來尋三十六漚盟

題陸贄香茂才

鎮

傳畫樓圖

子京天籟今無閣公綬滄虹昔有舟好與吾鄉添故事

見山問月共千秋

見山問月皆禾中樓名

村民家海棠二株甚盛花時往看口占四絕

更無一樹梨花壓不用千條絳蠟燒絕世傾城好顏色

向人旖旎帶人嬌

一株天矯拂雲霓一與桃鬟立共齊淡了夕陽紅到月

黃蜂紫蝶也應迷